

工部則例

節慎庫一冊
製造庫一冊



工部則例

製造庫

一製造庫職掌。順治元年。設製造庫。○十八年定。鹵簿
裁歸內監局。本年。改歸工部。○十八年定。鹵簿
車駕儀仗。舊屬營繕司。設局分造。今著改歸都
水司。○雍正元年定。分都水司所隸

冊寶。儀仗。簾子庫。門神庫。織造器用。匠役。均歸製
造庫管理。

一冊寶定制。

皇帝御寶大箱。高一尺三寸。方一尺二寸。木質。朱漆。



采畫紅黃金雲龍裏糊黃綾貯寶小箱高九寸。方八寸五分。金質。釵香草花文。箱架高二尺一寸。方一尺八寸。枴木爲之。雕刻龍文。朱漆貼金。印色池。連蓋高三寸四分。方六寸四分。純素金質。其祇褥墊袋等件。皆用黃綺。

皇太后

皇后金冊。皆十頁。每頁高七寸一分。寬三寸二分。用三等赤金十有八兩。寶匣。六成金百有七兩。印色池。六成金六十兩。盛

冊大箱。高一尺三寸。長一尺三寸五分。寬一尺。小

箱。高九寸。長一尺。寬六寸五分。盛

寶大箱。高一尺三寸。見方一尺二寸。鑰匙匣。高七寸。長一尺。寬五寸五分。均用枴木爲之。瀝粉

雲龍鳳。掃金漆飾。裏糊明黃綾。箱架二。各高二尺一寸。見方一尺八寸。枴木雕龍鳳玲瓏繚環牙版。朱漆掃金。象牙鑰匙牌三。二面雕龍鳳文。泥金清漢字。各繫明黃線總五。段面絹裏銷金。祇六。箱架套衣二。鑰匙匣套衣一。印色池祇一。夾褥一。夾墊五。棉墊七。均明黃片金爲之。明黃紗印色袋一。案二。各見方三尺。高二尺七寸。黃

油飾。明黃雲段案衣二。

皇貴妃。金冊十頁。每頁高七寸一分。寬三寸二分。用八成金十有五兩。寶匣五成金百有五兩。印色池五成金六十兩。冊寶大箱各一。均杉木。朱漆。采畫紅黃金鸞鳳。裏糊明黃綾。冊寶小箱鑰匙匣各一。杉木黃油。瀝粉鸞鳳。滿洒掃金。明黃綾裏。箱架二。用紫檀木。雕玲瓏鸞鳳。朱漆。滿洒掃金。以上長寬尺寸。均與

皇后箱架同。象牙鑰匙牌一。二面雕鸞鳳雲泥金。刻清漢字。絲總全。夾袱四。箱架棉套二。夾褥一。夾

墊五。棉墊六。鑰匙匣棉套一。印色池。冊寶袱三。均明黃雲段。明黃紗印色袋一。方案二。松木成造。尺寸。油飾。案衣。皆與黃案同。

貴妃。金冊十頁。用七成金十有五兩。寶匣百有五兩。印色池六十兩。均五成金。

妃。金冊十頁。用七成金十有四兩八錢。印匣百兩。印色池五十有六兩六錢。均五成金。冊匣繪雲鳳。色皆用金黃。餘與

皇貴妃同。

嬪。金冊四頁。用六成金十有四兩六錢二分。冊大

小箱。鑰匙匣各一。繪雲鳳。裏用紅綾。箱架一。棉套一。夾袱二。鑰匙匣棉套一。均紅雲段銷金。冊袱一。夾墊五。夾褥一。箱架棉墊四。皆紅段。方桌一。餘制與

妃同。

皇太子。金冊。寶匣。寶色池。制與

皇貴妃同。盛冊大箱。高一尺三寸。長一尺三寸五分。寬一尺。木質。朱髹。繪紅黃金雲龍。盛冊小箱。高九寸。長一尺。寬六寸五分。木質。朱髹。瀝粉金雲龍。均黃綾糊裏。寶箱。箱架。袱。褥。墊。袋等制。同

前。

親王。世子。金冊十頁。用五成金。每頁十有五兩。尺寸同上。寶匣。銀質飾金。百有十兩。印色池。四十八兩。冊大箱各一。高一尺三寸。長一尺四寸。寬一尺。小箱各一。高九寸。長一尺。寬七寸。杉木。朱油。釵銅花雲裝製。裏用紅綾。箱架各一。高二尺一寸。見方一尺八寸。椴木雕斗牛雲文。朱油。五采貼金。邊釘銅質鍍金什件。架套各一。夾袱各二。夾褥各一。箱架棉墊各三。夾墊各八。皆以紅段爲之。親王。世子。福晉冊。制同。○郡王。飾金銀

冊十頁。每頁十有四兩。銀印匣。印色池。重百四十兩。箱架。祔。褥。墊。袋等項。均與親王同。郡王福晉冊。如之。

公主。金冊四頁。制如親王。箱架。祔。褥。墊。袋同。貝勒。貝子。及夫人。并郡主。縣主。郡君。皆紙冊。每頁高一尺一寸。寬七寸五分。貼金雲龍。面用金黃潞紬。裏用黃紡絲。糊製。銀籤各二。鎮國公以下。奉恩將軍以上。給授

誥命。長丈六尺。高一尺。描金龍。五采。裝顏玉軸。牙籤二。文武有功人員。

恩旨世襲勅書。長一丈。用黃朝鮮貢紙。印以龍邊。以上紙

冊
誥

勅。均備造貯庫。由中書科陸續移取。

太廟尊藏

玉冊。玉寶。每玉冊計十頁。各高九寸。寬四寸五分。厚四分。連以黃線扁緜。上下二頁。各刻升降行龍一。滿雕流雲。清字五頁。漢字三頁。玉錢一。徑二寸。厚六分。錢孔見方五分。刻天下太平清漢字。

冊文填青。

徽號填金。玉寶。交龍鈕。鈕高二寸六分。寶臺高一寸九分。見方五寸。鐫清漢文。玉寶大箱。見方一尺一寸三分。高一尺三寸二分。枹木成造。朱漆掃金。泥金雲龍雲鳳。鍍金銅質什件。小箱。見方八寸六分。高一尺六分。枹木成造。箱內匣一。銅鍍金什件。朱漆掃金。泥金雲龍雲鳳。玉冊大箱。長一尺三寸九分。寬九寸。高一尺三寸三分。枹木。漆飾。掃金。泥金雲龍雲鳳。小箱。長一尺七分。寬六寸六分。高九寸七分。枹木。朱漆掃金。泥金雲龍

雲鳳。鍍金銅什件。以上箱裏。均糊黃綾。貯冊寶大箱。寬三尺五分。深一尺九寸。高二尺二寸五分。枹木。朱漆。鍍金什件。奉冊寶案。長三尺七分。寬一尺九寸七分。高二尺六寸五分。枹木。朱漆。鍍金銅印色池。見方六寸一分。高一寸三分。厚六釐。玉寶袱一。明黃羅段。泥金團龍。玉冊夾套一。墊褥一。均用明黃片金。大小寶箱內。棉褥各一。冊箱內。棉褥一。均明黃段。冊寶大小箱。明黃羅段。泥金團龍袱各一。冊寶總箱袱一。用明黃三線布。

一
鹵簿國初定。

皇帝大駕鹵簿。

笏頭八。畫角二十有四。搗鼓四十有八。大銅角八。小銅角八。金四。金鈿四。杖鼓四。龍頭遂十有二。拍板四。肅靖旗二。金鼓旗二。白澤旗二。門旗八。日月旗各一。雲雨風雷旗各一。五星旗各一。二十八宿旗各一。北斗旗一。五嶽旗各一。四瀆旗各一。青龍。白虎。朱雀。神武旗各一。天鹿。天馬旗各一。鸞。麟。熊。羆旗各一。青龍。赤龍。黃龍旗各一。鸞。麟。熊。羆旗各一。青龍。赤龍。黃龍。

燾。白龍。燾。黑龍。燾各四。青龍。幟。赤龍。幟。黃龍。幟。白龍。幟。黑龍。幟各四。黃麾二。絳引旛。傳教旛。告止旛。信旛各四。政平。訟理旛二。儀。鯨。髦八。羽葆幢四。青龍。白虎。朱雀。神武幢各一。金節四。豹尾旛四。龍頭竿旛四。方天戟四。豹尾槍二十。弓。矢各二十。儀刀二十。仗馬十。吾杖。立瓜。卧瓜。金鉞。御杖。星各六。品級山七十二座。棕薦三十鋪。靜鞭三十條。黃曲柄龍繖四。黃直柄龍繖八。紅直柄龍繖。白直柄龍繖。青直柄龍繖。黑直柄龍繖各二。黃直柄瑞草繖。紅直柄瑞草繖。青直柄瑞

草繖各二。黃直柄四季花繖。白直柄四季花繖。黑直柄四季花繖各二。紫方蓋。紅方蓋各四。紅羅鸞鳳方扇八。紅單龍扇四。紅雙龍扇八。黃單龍扇八。黃雙龍扇十有二。拂塵二。紅鐙六。金鑪二。金香合二。金盆一。金水盂一。金大瓶一。小瓶一。馬杓一。金交椅一。金足踏一。○儀象五。均施錦繡。負寶瓶各一。瓶銅質貼金。并木雕貼金。仰覆蓮座。雕花番草。

大輅一乘。高丈三尺九寸五分。濶八尺二寸五分。輅上平盤。前後車檣。并雁翅。及四垂如意。滴珠。

板。其下轅二條。皆朱漆。轅各長二丈二尺九寸五分。鍍金銅龍頭。龍尾。龍鱗。葉片裝釘。前施朱油象搭攀皮一條。平盤下方箱。四面朱紅漆。匡前後十有二榻。內飾青地。繪五采雲鶴。左右八榻。內飾上青下綠地。繪麟。獅。犀。象。天鹿。天馬。鸞。鳳。孔雀。朱雀。雉。鶴。凡六獸六禽。盤左右下。護泥板。及車輪二。貫軸一。每輪十有八輻。周以輞。皆朱漆。抹金銅釵花葉片裝釘。輪內車心各一。抹金銅釵蓮花瓣輪盤。裝釘。軸首左右。各用鐵轄拴一。以抹金銅釵龍頂管心。裝釘。軸中纏黃絨。駕轅。

等繩。盤去地四尺一寸五分。輅亭高六尺七寸九分。四柱各長五尺八寸四分。皆朱漆。前二柱戲金雲龍文。下山水文。門高五尺一寸九分。濶二尺四寸九分。左右門各濶二尺二寸五分。其上四周裝雕木沉香色描金香草版十有二。前并左右各朱漆榻二扇。明欵全。均以抹金銅釵花葉片裝釘。榻編黃線絛穿。後朱漆屏風。屏前上三榻。雕沉香色描金雲龍五。上朱漆版。戲金雲龍一。中三榻。沉香色描金龍三。下三榻。描金雲版如其數。屏後上三榻。戲金龍三。其次戲金

雲版如其數。中三榻。朱漆。戲金龍四。其次沉香色。描金雲版。亦如其數。下三榻。沉香色雲版。亦如之。均抹金銅釵花葉片裝釘。亭內編黃線絛穿朱漆匡軟座。黃絨墜座大繩四。座下蓮花墜石。軟座上。施花毯涼席。大紅織金綺褥。朱漆坐倚一。靠背。雕沉香色。描金雲龍一。下雕雲版一。朱漆福壽板一。并衣。倚中黃織金綺靠。坐褥。倚圍全。周圍施黃綾幃幔。或用黃線羅。亭外青綺緣邊。朱簾十扇。各用拽簾黃線圓絛二條。銅圈全。輅頂并圓盤。高三尺一分。鍍金銅蹲龍頂。並

仰覆蓮座。高一尺二寸九分。垂攀頂黃絨繩四條。盤高二寸。上以朱漆。下外四周沉香色地。描金雲。青飾輅蓋。亭內貼金斗拱。承以朱漆。匡寶蓋。鬪以八頂。冒以黃綺。謂之黃屋。頂心并四周。繡五采雲龍九。天輪三層。皆朱漆。上安雕木貼金龍耀葉版八十有一。三層間繪五采雲觀版八十有一。盤下周圍黃銅裝釘。上施金黃綺。瀝水三層。層各八十一摺。間繡五采雲龍文。四角垂青綺絡帶四。各繡五采雲升龍三。圓盤四角連輅座版。用黃線攀絛四。并貼金木魚。輅亭前。

左右轉角闌干二。後一字帶左右轉角闌干一。皆朱漆。內嵌雕木貼金龍。間以五采雲。三扇計十有二柱。各柱首雕木貼金蹲龍一。及描金五采蓮花抱柱。闌干四周布花毯涼席。太常旗二面。在輅亭後左右。以明黃雲段夾爲旗。每面十有二旂。每旂內外繡升龍一。朱漆攢竹旗竿二。左竿旗腰繡日月北斗。竿首用鍍金龍頭。右竿旗腰繡散字。竿首用鍍金銅戟。每竿綴抹金銅鈴二。垂紅纓十有二。纓上施抹金銅寶蓋。下垂青線粉帓。行馬架二。上穿黃絨扁絛。踏梯一。均

木質。朱漆。以抹金銅釵花葉片。裝釘。黃布面。絹裏。夾憶衣。油紬雨衣。各一。合扇梯一。托叉一。均朱油。貼金象鞍。鞦韆。羶籠各一副。

玉輅一乘。平盤下無方箱。輅亭內。朱漆屏風。上雕沉香色。描金雲龍五。屏後下三榻。雕木沉香色。描金雲龍三。下雕雲版如其數。餘制與大輅同。大馬輦一乘。高丈二尺五寸九分。濶八尺九寸五分。轆三條。各長二丈五寸九分。去地三尺四寸五分。亭高六尺四寸九分。朱漆。四柱。長五尺五寸四分。門高五尺九分。濶二尺四寸五分。前并

左右。各榻二扇。後榻三扇。無屏。軟座施素毯。轆頂。并圓盤。高二尺六寸五分。亭前一字闌干一。後一字帶轉角闌干一。左右闌干二。內嵌絛環版。皆朱漆。四扇。計十有四柱。闌干內。布素毯。駕馬。馬項繫鈴。齋戒則鞞。鞍。韉。鞞。轡。朱纓全。餘制同。

小馬輦一乘。高丈一尺五寸九分。濶七尺九寸五分。轆二條。各長丈九尺五分。亭高五尺五寸九分。朱柱。長五尺四寸五分。闕高一寸四分。門高五尺。濶二尺二寸五分。左右門濶二尺一寸九

分。前并左右各榻二扇。後屏。雕以沉香色。描金雲龍五。沉香色。描金雲龍。絳環版三。雲版三。亭底。用朱漆版。施素毯。輦頂。并圓盤。高二尺五寸五分。亭外垂朱簾四。餘制同。

香步輦一乘。高丈二尺五寸。座高三尺。方廣八尺二寸五分。輦座朱漆。其下四面。雕枅木五采雲。貼金龍版十二。間以渾貼金。仰覆蓮座。其下。雕木線金五采雲版二十。座下朱轆四條。中二條各長三丈五尺九寸。左右二條。各長二丈九尺五寸九分。每轆以鍍金銅龍頭尾裝製。攀轆黃

線圓絛八。亭高六尺五分。四柱。各長五尺八寸。闕高二寸五分。門高五尺二寸。濶二尺二寸五分。左右門濶二尺二寸。前并左右。朱漆十字榻二扇。雕飾沉香色。描金雲龍版八。其下雲版如之。後朱屏上。雕沉香色。描金雲龍五。屏後。雕沉香色。描金雲龍版三。又雲版如其數。亭內。施花毯。朱漆。鍍金龍倚一。輦頂。并圓盤。高二尺六寸一分。亭前闌干。制如大輅。亭內。木雕貼金劍山一座。朱漆足踏一。黃段衣全。步梯一。木質。朱漆。雕貼金行龍五采雲。絳環版六。描金五采。水版

十有二。蹲龍四。餘制如馬輦。

涼步輦一乘。高丈一尺二寸。座高二尺五寸。上方七尺六寸。下方七尺九寸。輦座朱漆。座版及四圍朱漆匡。雕栴木。貼金雲版二十。上貼金地。雕五采雲。繚環版十有二。帶仰覆蓮座。其下朱轆四。中二條。各長二丈八尺五寸。左右二條。各長二丈六尺五寸。前後均鍍金龍頭尾。黃線攀轆圓繚八。亭高五尺五寸五分。方四尺八寸。朱柱四。門高四尺七寸寬二尺二寸。左右門同。其上四周。沉香色。描金香草版十有二。前及左右。各

榻二扇。後榻扇三。明杌全。皆朱漆。編黃線繚穿輦版上。施花毯。涼席。紅織金綺褥。朱漆戩金雲龍坐倚一。坐下四周。雕木沉香色。描金雲。靠背。雕沉香色。描五采雲金龍一。下雕貼金雲版一。朱漆福壽版一。并衣。倚中黃織金綺靠坐褥。倚衣全。周圍施黃綺幃幔。或黃線羅。亭內設木雕貼金劍山一座。足踏一。黃段為衣。銅鑪一。銅鍍金嵌寶石鑪一。亭外青綺綠邊。朱簾十扇。各用拽簾黃線圓繚二。銅圈全。輦頂高二尺五寸。鍍金銅寶珠頂。並仰覆蓮座。高一尺三寸二分。垂

攀頂黃絨繩四條。頂用朱漆。上冒紅氈。四角以金黃氈。為如意雲。黃氈緣條。四圍施金黃綺。瀝水二層。每層百二十四摺。間繡五采雲龍文。腰條。繡行龍十有六。或用紅羅冒頂。黃羅為如意雲。緣條。瀝水。亦用黃羅。四角。鍍金銅雲四朵。亭內寶蓋。繡五龍。頂用朱漆。木匡。冒以黃綺。為黃屋。頂心四周。繡雲龍各一。輦亭四角。至輦座。用攀頂黃線圓縹四條。并貼金木魚。亭外圍。用紅氈面。金黃氈緣條。絹裏。氈衣一。輦亭前。左右朱漆轉角闌干二。後一字帶轉角闌干二。皆雕木

玲瓏金地。五采雲版十有六。四扇。計十有二柱。柱首貼金蹲龍各一。描金五采蓮花抱柱。闌干內。皆施花毯。涼席。步梯一。木質。朱漆。貼金五采雲玲瓏版六。描金五采水版十有二。蹲龍頭四。以抹金銅釵花葉片。裝釘。鍍金銅鈎四。金黃線圓縹四。朱油高凳四。黃氈鞞凳二。金黃布夾幪衣。油紬雨衣各一。

大儀轎一乘。高四尺八寸五分。頂高一尺三寸。面寬二尺八寸。深三尺八寸。轎重頂。渾貼金。雕九龍雲花番草縹環。黃綾銷金龍瀝水二層。金漆

轅二。各長丈七尺五寸。前後大橫竿二。各長九尺五寸。小橫竿四。各長二尺九寸。肩竿八。各長五尺七寸。轎頂飾蹲龍十有二。金頂。鈹龍文。嵌珊瑚。青金。綠松等石。轎竿裝鍍金銅龍頭尾。支竿二。各長二尺四寸五分。黃布幪衣。油紬雨衣。黃氈頂各一。

行駕儀仗。

吾杖。立瓜。卧瓜。御杖。星。金鈿各四。五色銷金龍旗十。五色銷金龍幟十。黃段雙龍扇十。黃綾銷金九龍繖十。

明轎一乘。貼金。雕花番草。金漆。木座穿藤。轎身濶二尺二寸。深一尺八寸。高三尺三寸。地平濶二尺二寸。深二尺九寸。直轅二。各長一丈五尺五寸。大橫竿二。各長七尺六寸。小橫竿四。各長二尺八寸。肩竿八。各長五尺六寸。鍍金銅龍頭尾。什件全。支竿二。各長二尺三寸。黃布幪衣。油紬雨衣各一。

禮轎一乘。重頂。掃金。罩漆。雕雲龍花草。繚環。轎身濶三尺。深四尺。高五尺。頂面濶三尺七寸。深四尺七寸。高五寸五分。頂樓八瓣。每瓣面濶一尺

一寸。高六寸五分。黃綾銷金龍瀝水二層。轅二。各長一丈七尺八寸。大橫竿二。各長九尺五寸。小橫竿四。各長二尺九寸。肩竿八。各長五尺七寸。均朱漆。轎頂飾金蹲龍十有二。金頂。鈹龍文。嵌珊瑚。青金。綠松等石。轎竿。鍍金銅龍頭尾。什件全。支竿二。各長二尺三寸。黃布幘衣。油紬雨衣。黃氈衣各一。

行幸儀仗。

蒙古畫角六。大銅角八。小銅角八。金口角八。鼓二。銅點二。銅鈸四。金鈺四。遂四。管二。雲璈二架。

笙二。金二。立瓜。卧瓜。吾杖。御杖。星。金鈸各六。弓。矢十。儀刀十。豹尾槍十。黃。青。赤。白。黑。銷金龍旗各二。黃。青。赤。白。黑。銷金龍幟各二。黃雙龍扇六。紅單龍扇四。黃。青。赤。白。黑。粧花段織各二。

拆合明轎一乘。金漆。雕花草獸面。轎身濶二尺二寸。深一尺八寸三分。高三尺四寸。地平濶二尺二寸。深二尺九寸。轅二。各長一丈七尺。大橫竿二。各長六尺七寸。小橫竿四。各長二尺八寸。肩竿八。各長六尺。均朱漆。鍍金銅龍頭尾。什件全。支竿二。長一尺七寸。黃布幘衣。油紬雨衣各一。

大轎一乘。朱漆。轎身濶三尺。深四尺六寸五分。高五尺。貼金頂。濶三尺八寸。深五尺六寸五分。高八寸。黃綾銷金龍瀝水一層。轅二。各長一丈八尺。大橫竿二。各長九尺。小橫竿四。各長二尺七寸。肩竿八。各長五尺三寸。均朱漆。轎頂飾金蹲龍四。金頂。鈹龍文。嵌珊瑚。青金。綠松等石。鍍金銅龍頭尾。什件全。支竿二。長二尺三寸五分。黃布幪衣。油紬雨衣。黃氈頂各一。○乾隆八年。遵旨議準。周制。玉。金。象。革。木。爲五輅。見今陳設五輅。有玉輅。大輅。大馬輦。小馬輦。香步輦。其數亦五。制

與古圖相仿。除玉輅名制均同。無可改外。請名大輅爲金輅。大馬輦爲象輅。小馬輦爲革輅。香步輦爲木輅。內惟香步輦。與輅制少異。今應改轅增輪。與輅同制。至旌旗之飾。據漢儒之論。謂玉輅繡日月星宿。謂之太常。金輅繡飛龍九。象輅用大赤。革輅用大白。木輅用大麾。純黑旗也。或又謂革輅黑而木輅白。考三才圖會內圖式。則玉輅日月五星。并黻字飛龍。象輅龍。革輅熊。虎。金輅鸞。鳳。木輅龜。蛇。今參合古今。玉輅應如漢儒之說。用日月五星。二十八宿旗。餘四輅。應

以東龍。西虎。南鳥。北蛇爲別。金輅用東方飛龍象輅。用南方朱鳳。革輅用西方白虎。木輅用北方龜。蛇。隨交部改造木輅。高一丈四尺二寸。平盤。面廣八尺八寸。深八尺八寸。增朱轅三。長二丈五寸。軸一。輪二。雁翅版。四垂彩漆。立雲版。護泥版。掃金須彌座。穹頂。龍頭版。五彩雲版。屏風。闌干。搗扇等項。均朱漆。飾五彩。描畫泥金。支竿四。朱漆。各長四尺四寸五分。踏梯一。高五尺八寸。寬二尺。上鋪細梭毯。行馬架三。高四尺二寸。寬二尺二寸。皆朱漆。駕馬游環。及攀轅等繩。與

各輅同。再改製五輅。太常旗。每竿旗身。長六尺六寸。連排總。寬四尺七寸五分。玉輅二旗。各繡日月。五星。二十八宿。金輅二旗。各繡青龍象輅。二旗。各繡朱鳳。革輅二旗。各繡白虎。木輅二旗。各繡龜。蛇。均用明黃段。片金成造。各編五色線。八寶排總。上綴紅纓毬五。紅線絛一。青線流蘇一。○十三年。遵

旨議準。見在陳設五輅。惟於輅後旂章。稍爲區別。而規制大畧相同。與古所稱以玉。金。象。飾其末。及分用五色。尚未脗合。宜參攷古制。玉輅上盤。用

天青色。上檐花版。皆用玉版。瓌嵌。金輅上盤。用朱漆。上檐花版。皆用貼金加漆。象輅上盤。用黃色。上檐花版。皆用象牙花版。瓌嵌。革輅應用白色。但輅蓋不應用白。今擬革輅上盤。及上檐花版。皆用泥銀。上起金花。木輅上盤。及上檐花版。皆用黑漆描金。其正中圓頂。皆用金頂。旂章仍遵定制。無庸更改。再五輅惟用陳設。

大祀御乘。則用涼步輦。

陞殿之日。陳於

太和門東。按涼步輦之名。仍襲前明。不見於古。今

應遵

諭旨。即以涼步輦爲金輦。而仿其製造。爲玉輦。輦上方頂。應照玉輅。用天青色。前後左右。各瓌嵌圓花。白玉一塊。其上圓頂。仍用金頂。乘以祀

天。金輦。則祭

方澤。

宗廟。

社稷用之。均以二十八人肩舁。

陞殿日。陳於

太和門外。東西相嚮。其朝

日。夕

月。

耕藉以下等祀。仍用禮轎。禮轎之名。應請更為法駕。步輦。又拆合轎。名亦不典。應請更為鑾駕步輦。

○又

欽定輅制。玉輅穹頂。即上盤天青色。前後左右。環嵌蒼

玉版各一。金輅穹頂。黃色。四面環嵌金版各一。

象輅穹頂。赤色。四面環嵌象牙版各一。革輅穹

頂。銀色。四面環嵌染黃羊皮版各一。木輅穹頂。

黑色。四面環嵌花梨木版各一。其上檐花版。均

仍舊飾以金采。至五輅垂幃。及四角絡帶。舊制

皆用金黃。元青。今應酌改。各如頂色。○又定。五

輅旂制。從前皆用明黃色段。宜各按五輅體色。

改用織金段。每輅太常旂二。左旂一。各繡本方

物象。右旂一。皆配以升龍。各旂數如舊。○又

諭。古者崇郊享。則備法駕。乘玉輅。以稱鉅典。國朝定

制。有大駕鹵簿。行駕儀仗。行幸儀仗。其名參用宋

明以來之舊。而旗章麾蓋。視前倍簡。今稍為增益。

更定大駕鹵簿。為法駕鹵簿。行駕儀仗。為鑾駕鹵

簿。行幸儀仗。為騎駕鹵簿。合三者。則為大駕鹵簿。

南郊用之。

方澤以下。皆用法駕鹵簿。五輅。酌仿周官。及唐宋遺制。金玉象革木。各如其儀。乘用亦自今歲。

南郊始。光昭羽衛。用肅明禋。欽此。計法駕鹵簿內。增設
及四。紫芝蓋二。翠華蓋二。黃龍直柄繖四。青赤
二色。四季花繖各二。壽字扇。孔雀扇。雉羽扇各
八。紅單龍扇四。壽幢四。紫幢四。霓幢四。教孝表
節旌。明刑弼教旌。行慶施惠旌。褒功懷遠旌。振
武旌。敷文旌。納言旌。進善旌各二。黃麾二。八旗
大纛二十有四。羽林大纛。前鋒大纛各八。儀鳳

仙鶴。孔雀。黃鵠。白雉。赤烏。華蟲。振鷺。鳴鳶。禽旗
各一。彩獅。角端。辟邪。犀牛。獸旗各一。雨旗三。風
旗七。雷旗四。雲旗四。翠華旗二。出警。入蹕旗各
一。減肅靖旗一。北斗旗一。儀銜。警四。傳教。幡四。
告止。幡四。政平。訟理。幡二。青龍。白虎。朱雀。神武
幢各一。黃雙龍扇四。黃。紅。青。直柄。瑞草繖各二。
金二。笏頭舊制減二。改名引杖。凡幢。幡。旗。扇。舊
之。按形銷金者。均改為彩繡。騎駕鹵簿內。增紅
單龍扇二。餘悉如舊制。○又定。玉輦方頂之前
後左右。各環嵌玉版一。均用蒼色。金輦方頂之

前後左右各鑲嵌金版一。式如金玉輅。惟頂則仍舊塗金。○又奏準。肩舁玉輦。增為三十六人。○又奏準。法駕步輦。請定名禮輿。鑿駕步輦。定名輕步輿。均舁以十有六人。一儀駕。順治初定。

皇太后

皇后儀駕。均龍鳳旗八。金節二。吾杖。立瓜。卧瓜各四。黃段九鳳曲柄繖一。黃段寶相花直柄繖四。紅段瑞草直柄繖二。青段。黑段九鳳直柄繖各二。紅方蓋二。黃段。紅段龍鳳扇各二。金黃段素扇

二。紅段鸞鳳扇二。拂塵二。金鑪二。金瓶二。金香合二。金水盂一。金盆一。金漆馬杌一。金漆交倚一。金漆足踏一。

鳳輿一乘。面濶三尺一寸五分。深四尺九寸五分。柱高三尺三寸二分。門濶二尺一寸。高二尺八寸。頂濶三尺九寸五分。深五尺七寸五分。頂樓六瓣。每瓣濶一尺五寸。共高一尺二寸。轅二。各長一丈七尺五寸。輪高五尺。均施黃油。采畫金龍鳳。赤金頂。鍍金葉片裝釘。黃素綾衣。上銷金龍鳳。瀝水二層。黃布幃衣。油紬雨衣。黃氈頂各

一。
儀輿二。面濶三尺二寸。深四尺九寸。柱高三尺四寸。頂濶三尺五寸。深五尺二寸。高九寸。轆長一丈七尺五寸。輪高四尺八寸。均施黃油。赤金頂。鍍金葉片裝釘。黃雲段車衣。重幃瀝水。紅段裏。黃布幪衣。油紬雨衣。黃氈頂各一。

大儀轎一。面濶二尺九寸。深四尺。高四尺八寸。頂濶三尺五寸。深四尺六寸。重頂。頂樓八瓣。每瓣面濶一尺。高一尺五寸。均施黃油。貼金雲龍鳳縹環。嵌五色寶石。黃綾為衣。上銷金龍鳳瀝水。

二層轆二。各長一丈七尺五寸。大橫竿二。各長九尺三寸。小橫竿四。各長二尺八寸。肩竿八。各長五尺八寸。均朱漆。轎頂飾金鳳十有二。金頂。鍍海馬文。嵌青。紅。藍三色寶石。轆及竿裝鍍金銅鳳頭尾。什件全。支竿二。長二尺六寸。黃布幪衣。油紬雨衣。黃氈頂各一。

皇貴妃儀仗。紅。黑雲段銷金鳳旗四。金節二。吾杖。立瓜。卧瓜各二。紅段七鳳曲柄織一。紅段寶相花織二。紅段瑞草織二。紅段方織二。紅段繡扇二。金黃段素扇二。拂塵二。金鑪一。金瓶二。金香合一。

金水盂一。金盆一。金漆馬杌一。交倚一。足踏一。
翟轎一。面濶二尺九寸。深四尺。高四尺六寸。頂濶
三尺五寸。深四尺六寸五分。高六寸。重頂六瓣。
每瓣濶一尺四寸。高五寸五分。均金黃油。彩畫
雲龍翟鳥。裝顏五色寶石。金黃綾衣。上銷金翟
鳥。瀝水二層。轅二。各長一丈五尺二寸。橫竿二。
各長六尺一寸五分。肩竿四。各長四尺七寸五
分。均朱漆。轎頂飾金翟鳥十。純素金頂。鍍金銅
什件全。支竿二。長二尺一寸三分。金黃布幪衣。
油。紬雨衣各一。

翟車一。濶三尺一寸。深四尺七寸。柱高三尺三寸
五分。頂濶四尺五分。深五尺六寸。高一尺二寸。
轅長一丈六尺六寸。輪高四尺八寸。皆施金黃
油。金黃雲段車衣。重幪瀝水。紅紬裏。素純金頂。
鍍金銅什件全。金黃布幪衣。油。紬雨衣。黃氈頂
各一。

貴妃儀仗。與

皇貴妃同。

妃儀仗。黑段銷金鳳旗二。金節。吾仗。立瓜。卧瓜各
二。紅段寶相花繖。紅段瑞草繖各二。金黃段素

扇二。拂塵二。鑪一。瓶二。香合一。水盂一。盆一。金漆馬杌一。交倚一。足踏一。翟轎一。翟車一。以上諸制均同。

貴妃儀仗。惟鑪。合等器。繫銀質飾金。轎頂。車頂。及事件。繫銅質鍍金。

嬪儀仗。鑪。合等器。均銀質。無拂塵。餘與妃同。○康熙元年定。

太皇太后。上玉冊寶。儀駕內加鳳輦一。柱高三尺六寸。面濶五尺二寸。深五尺二寸。頂高一尺。方五尺七寸。座高一尺八寸。面濶六尺五寸。深六尺四寸。

四圍闌柱。絳環雕花卉。朱漆貼金飾。中設寶座。下有仙橋。座穿以藤。牕榻穿以石青線。頂衣用黃結羅爲之。銷金鳳瀝水二層。黃段裏衣。外垂朱簾。直轅四。各長二丈。均朱漆。赤金頂。鈿鳳文。嵌青金。珊瑚。綠松等石。轅首末裝金鳳頭尾。什件全。朱油凳四。托叉二。黃布幘衣。油紬雨衣各一。餘均與

皇太后同。○十四年定。

皇太子儀仗。畫角十有二。柶鼓二十四。大小銅角各四。金二。金鈺二。杖鼓二。拍板二。龍頭篋二。金

黃綺繡九龍曲柄蓋一。紅曲柄蓋二。青黃直柄
繖各二。紅瑞草繖二。青赤方繖各二。青赤雙龍
扇各二。青赤孔雀扇各四。白澤旗二。金節二。羽
葆幢二。傳教幡。告止幡。信幡。絳引幡各二。儀鎧
髦二。黃赤白青黑龍纛各二。豹尾槍。弓矢。儀刀
各十。仗馬八。立瓜。卧瓜。金鉞。骨朵。吾杖各四五
色龍幟各二。拂塵二。金鑪二。金瓶二。金香合二。
金水盂一。金盆一。金漆方几一。交倚一。足踏一。
金輅一。高一丈二尺二寸九分。濶八尺九寸。輅
上平盤版。前後車櫺。并雁翅。及四垂如意滴珠。

版。其下轅三條。皆朱漆。轅各長一丈九尺五寸。
用鍍金銅龍頭尾。龍鱗葉片裝釘。前施朱油馬
搭攀皮二條。平盤左右下護泥版。及車輪二。貫
軸一。每輪十有八輻。皆朱漆。周圍輞全。各以抹
金釵花葉片裝釘。輪內車心。各以抹金銅釵蓮
花瓣輪盤裝釘。軸首左右。各用鐵轄拴一。以抹
金銅釵龍頂管心裝釘。軸中纏紅絨駕轅等索。
輅座去地三尺五寸。輅亭高六尺二寸。朱漆。四
柱各長五尺六寸。檻座高六寸。其上四周雕木
沉香色。描金雲版十有二。下同。門高五尺濶二

尺三寸。左右門濶二尺三寸。前左右各榻二扇。後榻三扇。明杌全。皆朱漆。以抹金銅釵花葉片裝釘。榻編金黃線絛。穿朱漆匡軟座。金黃線墜座。大繩四條。座下蓮花墜石軟座上。施花毯。秋香色金綺褥。并席。朱漆坐倚一。靠背。雕沉香色描金雲龍一。倚圈。戲金雲龍。下雕朱漆雲版一。福壽版一。并衣。倚中。秋香色金綺坐褥。四圍倚衣全。周圍施秋香色綾幃幔。或用秋香色線羅亭外。用青段緣邊。朱簾十扇。拽簾圓絛二條。黃銅圈全。輅頂圓盤。高二尺七寸。鍍金銅蹲龍頂。

帶仰覆蓮座。高一尺五寸。垂攀頂紅絨繩四條。盤上下朱漆。以青飾輅蓋。承以朱漆木匡寶蓋。鬪以八頂。冒以秋香色段。頂心周圍繡五彩雲龍。天輪三層。皆朱漆。上安雕木貼金龍耀葉版。七十有二。間繪五彩雲襯版七十有二。盤下周圍。黃銅裝釘。上施秋香色段瀝水三層。每層七十二摺。間繡五彩雲龍文。四角垂青段絡帶四條。繡五彩雲升龍三。圓盤四角。連座版。用攀頂金黃線圓絛四條。并貼金木魚。輅亭前一字闌干一扇。後一字帶轉角闌干一扇。左右闌干二

扇。內嵌絛環版。皆朱漆。四扇。計十有四柱。柱首各雕木貼金蹲龍一。用描金五彩蓮花抱柱。闌干內布素毯。并席。太常旗二面。在輅亭後左右。用秋香色雲段夾爲旗。每面十有二旂。每旂內外繡升龍一。朱漆攢竹旗竿。左竿旗腰繡日月。北斗。竿首用鍍金銅龍頭。右竿旗腰繡敝字。竿首用鍍金銅戟。每竿綴鍍金銅鈴二。垂紅纓十有二。上施鍍金銅寶蓋。下垂青線帟幘。踏梯一行馬架二。均木質。朱漆。以抹金銅釵花葉片裝釘。秋香色布面。絹裏。憶衣。油紬雨衣各一。朱油合。

扇梯托叉各一。馬鞍。鞵。鞵。鈴。纓。全。龍轎一。面濶二尺九寸。深三尺九寸。高五尺。掃金重頂。頂濶三尺五寸五分。深四尺六寸。頂樓八瓣。每瓣濶一尺五分。高一尺三寸。秋香色素綾銷金龍。瀝水二層。直轆二。各長一丈七尺七寸。大橫竿二。各長九尺四寸。小橫竿四。各長二尺九寸。肩竿八。各長五尺七寸。皆朱漆。轎頂飾金龍十有二。金頂。釵龍文。嵌珊瑚。青金。綠松等石。轆竿。均裝鍍金銅龍頭尾。什件全。支竿二。各長二尺四寸五分。秋香色布憶衣。油紬雨衣。氈頂各一。

乾隆十年

諭。嗣後皇貴妃。貴妃儀仗內。紅段曲柄繖。著改金黃色。妃。嬪儀仗內。增用紅段曲柄繖。欽此。○十三年定。

皇太后

皇后前陳設者。曰儀駕。

皇貴妃

貴妃所陳設。曰儀仗。

妃

嬪陳設。曰采仗。又定。

皇太后

皇后儀駕內。增龍鳳旗六。黃。青。赤。黑各一。白二。紅。素方繖二。九鳳直柄繖六。黃。赤。白各二。黃。紅。段龍鳳扇各二。黃。紅。段雉羽扇各四。明黃八人儀轎二。減紅段瑞草繖二。金黃段素扇。紅段鸞鳳扇各二。

皇貴妃儀仗內。增明黃段。黑段寶相花繖各二。黑段瑞草繖二。紅。黑。段雉羽扇各二。紅。黑。雲段素扇各二。金黃段鳳旗二。紅。黑。段素旗各二。卧瓜立瓜。吾杖各二。明黃八人儀轎一。改金黃曲柄。

繖。爲明黃色。減紅段方繖二。紅段繡扇二。
貴妃儀仗內。增金黃段。黑段寶相花繖二。黑段瑞
草繖二。紅。黑段雉羽扇各二。金黃八人儀轎一。
減金黃段素扇二。紅段方繖二。紅段繡扇二。
妃采仗內。增紅段鳳旗二。金黃段素繖二。黑段寶
相花繖二。紅。黑雲段素扇各二。金黃四人儀轎
一。減紅段瑞草繖二。金黃段素扇二。
嬪采仗內。增金黃段寶相花繖二。金黃四人儀轎
一。改金黃段素扇。爲紅雲段素扇。黑段鳳旗。爲
紅雲段鳳旗。減紅段瑞草繖二。

一親王輿衛。定制。旗槍十。豹尾槍二。大刀二。大
纛二。條纛二。吾杖。立瓜。卧瓜。骨朵各四。紅繡五
龍曲柄繖一。紅繡花繖二。紅瑞草繖二。紅繡扇
二。黑繡扇二。明轎一。面濶二尺二寸。深一尺八
寸。高三尺三寸。地平濶二尺二寸。深二尺九寸。
均施羊肝漆。灑金。上下雕玲瓏花卉。轆二。各長
一丈五尺。橫竿二。各長六尺二寸。肩竿四。各長
五尺。均朱漆。貼金飾。支竿二。紅布幘衣。油紬雨
衣各一。暖轎一。廣三尺。深四尺。高一尺二寸。頂
廣三尺七寸。深四尺八寸。高一尺二寸。柘黃蓋。

柘黃檐。紅幃。上安銀頂。鞍。竿。尺寸。同前。○郡王
輿衛。旗。槍。八。條。燾。二。吾杖。立瓜。卧瓜。骨朵。各二。
紅繡曲柄繖一。紅瑞草繖二。紅繡扇二。黑繡扇
二。以上諸制。均同親王輿衛。惟曲柄繖。繡龍四。
○固倫公主輿衛。黑段迴避燾二。紅繡寶相花
曲柄繖一。紅繡花繖二。紅繡方扇二。青寶花扇
二。吾杖。立瓜。卧瓜。骨朵。各二。翟轎一。朱輪車一。
○和碩公主。減寶花扇。餘制同。以上鹵簿儀仗
均由製造庫造辦。其世子。及福晉。郡主等輿衛
皆自備充用。○康熙六十一年奉

旨。親王給豹尾槍四。大刀四。郡王給豹尾槍二。大刀二。

陵寢祭祀。金。銀。銅器。皿。包鞞。果筐。及需用竹簾。雨搭。簾

圈。并門。牕。榻。扇。所釘金鋪。而葉什件。吻。鈎。吻。樁。
吻。索。吻。鈎。檐。釘。門。釘。等項。由庫成造。

一
宮殿竹簾。擅簾。舊例。設有簾子庫。監督。及內監等。
於每歲冬夏。將擅竹簾。更換收貯。遇有應修。報
部覈給錢糧。換造。○雍正元年。奏準。向例。各處
宮殿。更換門簾。除可掛好簾。照舊應用外。其應修

理換造者。均繫簾子庫監督。內監具呈。即照例給與錢糧修理。並無實據。易致浮冒。製造庫滿。漢郎中。員外郎。及司庫。司匠。庫使等官。所理事務無多。請將簾子庫。一應事務。歸并製造庫管理。嗣後安掛竹簾。更換檀簾時。令御史一人。內務府官一人。同製造庫官驗看。不可用者若干。應修理者若干。當即公同覈明具題。給發錢糧。交與製造庫。預行修理備用。其更換竹簾。門神之時。亦照此例辦理。○乾隆十七年奏準。各宮殿等處。所有修換雨搭。門簾。竹簾。向無一定年

限。嗣後遇有應行修補更換之處。令直年內務府總管。會同本部。及都察院。滿御史。察勘確實。分別修補更換。

一

壇廟

宮殿需用梭薦。舊例照內務府。太常寺來文。開載尺寸數目。行江南布政使司織造。○康熙三十七年題準。令江南解送細梭。交門簾庫織造。○雍正元年奏準。門神。門簾二庫。歸并製造庫管

理。凡各處梭薦及粗細梭繩均由庫成造。

一門神對聯。舊例元旦各

宮殿門神對聯。端午五毒掛屏。預期修造。門神對聯。於十二月二十四日。委官安掛。二月初二日。撤出貯庫。五毒掛屏。於四月三十日。委官安掛。六月初二日。撤出貯庫。○康熙二十五年定。停止端午各

宮殿安掛五毒掛屏。○又定門神對聯。於十二月二十六日。委官安掛。二月初三日。撤出貯庫。○乾隆十七年議準。內閣并各部院等衙門需用

門神。舊例有於工部咨取者。亦有自行備辦者。向不畫一。嗣後均令自行備辦。○又議準。各

宮殿等處。換造掛屏。門神。門對。正面向用絹一層。朝鮮貢紙一層。白榜紙二層。西紙一層。苧布一層。背用朝鮮貢紙一層。計七層。嗣後減去白榜。苧布各一層。計面背用絹紙五層成造。

一頒

詔。需用龍旗。御仗。牌。繖等物。及各衙門需用齋戒牌。均照例辦發。

午門及鼓樓。並各處大小鼓。均由庫鞅造。

一 宮殿等處。鍍金。鍍銀。鎖鑰。釘鈔。簾圈。門。牕。什件。并寶頂。吻。鈎。吻。樁。吻。索。吻。鍋。鍍金。檐。釘。門。釘。榻。扇。上。龍。葉。泡。釘。獸。面。及。牌。匾。字。等。項。由。庫。成。造。

一 鹵簿內。壽。字。段。袍。獺。皮。帽。豹。皮。帽。涼。帽。校。尉。氈。帽。及。儀。仗。內。氈。帽。黃。翎。并。親。王。郡。王。等。執。事。人。衣。帽。及。

冊封

妃

一 嬪。王。貝。勒。貝。子。需用。拴。紮。采。亭。等。項。均。由。庫。辦。造。

一 皇。史。宥。官。吏。欽。天。監。博。士。經。板。庫。西。什。庫。庫。吏。狐。皮。端。罩。天。文。生。羊。裘。宗。學。各。學。教。習。夏。秋。冬。袍。帽。靴。鞮。年。節。慶。隆。舞。所。用。盔。甲。撒。袋。鞍。轡。煖。帽。端。罩。及。各。衙。門。守。庫。人。役。羊。裘。均。由。庫。辦。造。給。發。

一 賞。賜。喀。爾。喀。等。處。金。銀。茶。桶。茶。碗。朝。鮮。來。使。圓。領。袍。鞍。韉。琉。球。安。南。等。國。來。使。段。袍。鞍。韉。等。項。由。禮。部。理。藩。院。移。咨。造。給。

一
欽差旗。繖。牌。杖。雨。旱。套。督。撫。提。鎮。等。官。蟒。段。朝。衣。鞍。韉。撒。袋。等。項。由。庫。成。造。卓。異。等。官。

賞。給。朝。衣。蟒。袍。文。官。四。品。以。上。大。蟒。朝。衣。七。品。至。五。品。雜。段。領。袖。補。段。朝。衣。八。品。以。下。均。倭。段。領。袖。雲。段。朝。衣。武。官。副。將。都。統。以。上。大。蟒。段。朝。衣。參。將。以。下。等。官。皆。小。蟒。袍。由。禮。兵。二。部。移。咨。照。數。於。戶。部。領。段。製。造。完。日。仍。交。禮。兵。二。部。給。發。

一。筵。燕。會。試。主。考。同。考。等。官。需。用。貼。金。銀。花。文。狀。元。朝。衣。絨。纓。涼。帽。鞵。帶。靴。鞵。武。狀。元。盔。甲。鍍。

金。腰。刀。撒。袋。鞵。帶。手。巾。荷。包。皮。靴。等。項。由。禮。兵。二。部。咨。文。照。例。造。給。

一。外。藩。蒙。古。等。處。來。京。娶。妻。

賞。給。衣。飾。并。

賜。岷。州。衛。等。處。番。僧。段。袍。袈。裟。及。各。經。廠。念。經。內。監。袍。服。各。寺。廟。取。用。掛。幡。絨。繩。由。庫。造。給。

一。各。衙。門。等。處。應。用。鞍。韉。鞵。轡。羶。單。鎖。鑰。皮。搭。連。皮。包。皮。搭。腰。及。包。裹。各。處。火。藥。油。簍。均。憑。文。照。數。辦。給。

一。成。造。一。應。器。具。所。用。珠。寶。金。銀。銅。鐵。皮。革。紬。

絹段布顏料等項均於內務府戶部取用外解
狐皮由戶部移咨到部令製造庫赴戶部驗收
○雍正十一年題準令太僕寺每年察明馬羣
大小馬皮行文張家口稅務監督移送到部交
庫備用馬駒皮每三張抵大馬皮一張其本庫
一年足用外有餘剩短小馬皮按時作價入於
節慎庫驗收○乾隆六年議準張家口監督每
年將所收馬皮數目報部俟有需用之時酌數
令該監督解送
一額設匠役舊例製造庫五作匠役四百四十

名內食糧者二百九十七名種地者一百四十
三名銀作食糧顧催二名種地顧催一名大器
匠食糧四名種地三名食糧鋤花匠十有七名
食糧攢焊匠七名鍍金匠食糧五名種地四名
食糧打銅匠三名銚銅匠食糧三名種地一名
食糧化銀匠一名食糧玉匠一名食糧拔絲匠
二名打金匠食糧種地各一名食糧窩鈕匠一
名食糧銅鎖匠一名共五十八名○鍍作種地顧催
三名剔鑿匠食糧三十名種地二十二名銚匠
食糧二十七名種地四名鍍鋤匠食糧十有五

名。種地五名。研匠。食糧。種地各五名。鞍轡什件
鐵匠。食糧八名。種地七名。鑽眼匠。食糧三名。種
地二名。食糧鐵鎖匠六名。食糧刀鞘匠一名。食
糧畫匠一名。共一百四十四名。○皮作。食糧領催四名。
種地領催一名。縫皮匠。食糧二十一。種地十
有四名。鑢皮匠。食糧十有三名。種地七名。砍鞍
匠。食糧十有五名。種地二名。羶匠。食糧七名。種
地三名。熟皮匠。食糧。種地各三名。藤皮匠。食糧
四名。種地一名。食糧繚兒匠五名。食糧粉皮匠
三名。食糧染皮匠一名。食糧油漆匠一名。食糧

薰皮匠一名。食糧纓子匠一名。食糧買辦二名。

共一百一十二名。○繡作。種地領催三名。繡匠。食糧八

名。種地十有四名。裁縫匠。食糧三十五名。種地
十有三名。食糧畫匠一名。食糧彈花匠一名。毛
襖匠。食糧六名。種地七名。共八十八名。○甲作。食糧

領催一名。甲葉匠。食糧五名。種地二名。臂手匠。
食糧。種地各三名。腰刀匠。食糧二名。種地三名。
盔匠。食糧一名。種地二名。鐵匠。食糧七名。種地
四名。種地錚磨匠三名。食糧銼匠一名。食糧箭
匠一夕。共三十八名。以上五作。食糧領催。每名月支

銀二兩。四季各支米七斛二斗五升。食糧匠役每名。月支銀一兩。四季支米同。種地領催每名。月支銀二兩。米分三季。前二季各支米十有四斛。後一季支米十有四斛二斗。種地匠役每名。月支銀一兩。米分三季。前二季各支米七斛。後一季支米七斛一斗。樓軍二十三名。每名。月支銀五錢。支米三斗。○門神。門簾二庫。匠役。順治九年題準。門簾二庫。一等內監。每名。月支銀二兩。二等內監。每名。月支銀一兩。各米三斗。匠役。每名。月支米一斛二斗五升。庫役。每名。月支米

三斗五升。○雍正元年定。門神。門簾二庫。額設一等內監一名。二等內監十有九名。玉匠一名。刻字匠一名。畫匠五名。撥蠟匠一名。鑄匠二名。銅匠三名。銚匠二名。鍍匠二名。錠銚匠四名。漆匠一名。油匠五名。彩漆匠三名。銷金匠二名。貼金匠一名。鍍金匠二名。戩金匠一名。雕鑿匠二名。粧鑿匠四名。紮彩匠一名。攢竹匠一名。裱褙匠一名。糊扇匠一名。木匠三名。轎匠二名。轎頂匠一名。劈竹匠二名。藤匠二名。簾匠十名。拴簾匠一夕。絆匠一名。梭匠七名。繩匠六名。毯匠九

名。羶匠七名。纓匠一名。編纒匠二名。絡絲匠四名。纏絨匠二名。縹匠三名。彈花匠一名。裁縫匠二十名。繡匠六名。織匠五名。扇匠三名。牙匠一名。皮匠二名。筋匠二名。鮫燈匠二名。絲燈匠一名。琵琶匠一名。鼓匠二名。草蓆匠二名。染匠四名。庫役六名。一等內監每名。月支銀一兩五錢。庫丁每名。月支米三斗。二等內監及匠役。銀米仍舊。均由部按季造冊。送戶部關領。每米一斗。均折銀一錢三分。○十年奏準。門簾二庫。向設一等內監一名。二等內監十有九名。請每庫各

設一等內監一名。為首領內監。裁二等內監二名。并將玉匠。牙匠。彈花匠。各裁汰一名。仍增設木匠三名。以符原額。○乾隆七年奉

旨。工部所屬門神庫。首領內監一名。每季給食銀四兩五錢。米一斛四斗。內監八名。每名每季給食銀三兩。米一斛四斗。門簾庫亦照此例。

